



GREENLAND RUBY

Isumaqatigiissummut IBA-mut atatillugu
2017-imut nakkutiginninnermik
nalilersuinermillu nalunaarusiaq



GREENLAND RUBY


1. Aallarniut

Nakkutiginninnermik Nalilersuinermillu Nalunaarusiami matumani piffissaq 2017-imi januarip aallartilaarneraniit decemberip naalerneranut pineqarpoq. Nalunaarusiami anguniarneqarpoq Greenland Ruby A/S-imi IBA-mi anguniagassanut naleqqiullugu qanoq angusaqartigisimanersugut paasisaqarfigineqalaarnissaa. Kisitsisit nalillu nalunaarusiami matumani taaneqartut 2017-ip naanerani naatsorsuinermit pipput, allatut oqaatigineqarsimanngikkaangat. Nakkutiginninnermik Nalilersuinermillu Nalunaarusiaq Inuussutissarsiornermut, Suliffeqarnermut, Niuernermut aamma Nukissiuuteqarnermut Naalakkersuisoqarfik qanimut suleqatigineragut suliarineqarpoq.

2. Greenland Ruby A/S pillugu

2016-imi ukiakkut Greenland Ruby A/S-ip, taamaalinerani LNS Greenland Gems A/S-imit ateqarluni, Aappaluttumi atuisinnaanermut akuersissut 2014/21 tiguaa, piginnaatitsissummik piginnittuugaluaq akiliisinnaajunnaarmat.

Greenland Ruby A/S selskabiuvoq kalaallinit pigineqartoq, selskabi qallunaanit pigineqartoq Greenland Ruby DK Aps aqqutigalugu norgemiut aatsitassarsioqatgiiffianit Rana Gruber AS-imit aamma kalaallit aningaasaliinissamat piginneqatigiiffianit Greenland Venturemit pigineqartoq. Rana Gruber AS norgemiut selskabiannit Leonhard Nilsen & Sønner AS (LNS)-imit pigineqarpoq.



Piginnittuunerup aaqqissuunera aamma qanoq katitigaanera

Greenland Ruby A/S atuisinnaanermut akuersissummut 2014/21-imit piginnaatitsissummik piginnittuuvoq, pigisaqatigiit suleqatigisat LNS Greenland A/S Aappaluttumi paaaffimmi sulianik ingerlatsinermillu isumaginnittuutilugu. Greenland Ruby A/S aamma LNS Greenland A/S tamarmik Nuummi allaffeqarput



taassumalu saniatigut Greenland Ruby A/S Nuummi korund (rubin/safir)-inik salii sarfeqarlunilu immikkoortitseruteqarpoq.

Atuisinnaanermut akuersissutip tigonera ilutigalugu Greenland Ruby A/S-ip piginnittuusimasup pisussaaffii tamaasa ilanngullugit tiguai, tassani pineqarlutik kalaallit aatsitassat pillugit inatsisaat naapertorlugu akuersissutip isumaqatigiissutillu. Akuersissummut IBA-mut tunngatillugu ima pisoqarpoq ulloq 10. november 2016 Greenland Ruby A/S-ip akuersissummut IBA-mut ilassut atsiormagu, taamaalilluni isumaqatigiissutip siunissami aamma atuutiinnarnissaa pisortatigoortumik isumannaarneqarluni.

3. 2017-imi suliaqarnerit

Piginnittuusimasup aningaasatigut ajornartorsiuteqarsimanera pissutigalugu 2016-ip ingerlanerani suliniutip ineriartortinnera uninngakannersimavoq, Aappaluttumilu sulisut ikinnerpaat kisimik sulisorineqarsimallutik. Aatsaat 2016-imi ukiakkut Greenland Ruby A/S-ip suliniummik tigusineragut suliniut kingumut ingerlaqqilerpoq, tigonerata kinguneragut erninnaq sulisut arlaqartut atorfinitsinneqarmata Aappaluttumi sanaartornerit ingerlateqqinnissaannik naammassinissaannillu suliaqartussa. Piiaaffimmi sulianik ingerlatsinermillu isumaginnittup LNS Greenland A/S-ip 2016-ip naanissaata tungaanut aamma 2017-imi majip tungaanut sanaartornerit ingerlappai, taamaalinerani piiaaffik Aappaluttumiittoq pisortatigoortumik atulersinneqarluni. Taamaalilluni ukioq 2017 tassaasimavoq ukioq pissutsinut nutaanut naleqqussarfiusoq, tassa ukiup ingerlanerani pilersitsinerup nalaaniit ingerlatsilernerup nalaanut ingerlasimagatta. Tassa majimiit oktoberimut piffissaq allanngorlugit sananernut aamma ingerlaatsit assigiinngitsut pitsaanerulersinneqarnissaannut atornerarpoq, ilaatigut suliaqartarnerup naammassiuminernerunissaa anguniarlugu ilaatigullu saffiugassiassaq suliaqarfiusumut pisinneqartartoq sapinngisamik annerpaamik pissarsiffiniarlugu. Ingerlatsiviusoq aallartinneqaqqaarpiarmat erninnaq paasinarsivoq iluseq Canadami siullermik sananeqarsimasoq maani piviusumik atorsinnaanngitsoq, taannalu atorlugu imminut akilersinnaasumik nioqqutissiorsinnaanngivitsugut. Taamaattumik piginneqatitta Rana Gruber AS-ip suliatiqut piginnaasaat atorluarsimavagut, tassuunakkullu teknikkikkut ingerlalluarnissaanut immikkut ilisimasallit piffimmuut pisillugit nioqqutissiornerlu taamaalilluni naammassisaqarnerulersillugu. Suliarinnittarfiup sanaartorfiginera kingulleq oktoberip naalernerani naammassineqarpoq, tamatumalu kingorna ullukkut piiaaffiusartup pitsaanerulersinneqarnissaa sammineqarsimalluni, qaartitsisoqartarnissaa saffiugassiassarlu ataasilukaajunerusup pissarsiarineqartarnissaa qularnaarniarlugu. Tamatuma saniatigut decemberi ingerlatsiviusumi sulinermi avatangiisit pitsaanerulersinneqarnissaannut atornerarpoq, pingaartumik pujoralatserinerup perpalutsitsinerullu annikillissarnissaanut, suleriaaserlu taanna 2018-ip ilangaatsiaanut ingerlanneqassalluni.

Nioqqutissiorneq maanna imatut aqqissuunneqarsimavoq ukiup qaammataani 12-ni tamani nioqqutissiortoqarluni, piginnittuusimasup tunngavissiaa qaammatit 8-usut pinnagit. Imaassinnaavoq taamaalinnikkut suliffissat ikinnerulaassasut kisianni aappaatigut ukioq kaajallallugu sulisorineqartut suliaqaannarsinnaanerannik qularnaarinnissaaq. Taamaakkaluarli saffiugassiassaq pitsaavallaanngitsoq piarneqarsimatillugu sulisut ilaat freerfissarinngisaraluminni freertariaqarsinnaassapput imalunniit pikkorissartinneqarlutik. Ilimagisarpur tassaavoq ukiuunerani inuit 20 missaat piiaaffimmi sulisorineqartassasut, aasaanerani inuit 23 missaat.

Nuummi 2017-ip affaani siullermi korundimik salii sarfissap mittarfiup aqutaaniittup pilersinnissaa suliarineqarpoq, aamma immikkoortitserutip pilersinnissaa, GrønlandBankip sanianiittoq, suliarineqarluni. Ingerlatsiviusoq aasap ingerlanerani pitsaanerulersinneqariarmat pilertortumik nalunarunnaarpoq



GREENLAND RUBY

korundimik saliisarfup tigusisinnaassusia mikivallaartoq, taava allannguutit annertunngitsut isumagineqariarmata saliisarfup paaaffimeersut tamaasa salissinnaangorpai. Immikkoortitserut eqqarsaatigalugu decemberimi aalajangerneqarpoq taanna mittarfiup aqutaanut nuunneqassasoq, taamaalilluni korundimik saliisarfik aamma immikkoortitserut imminnut 20 meterisut qanitsigilerlutik. Taamaaliornikkut ilimagineqarpoq sulisoqarnitsinni atorluaanerussasugut kiisalu angallassinermut il.il. aningaasartuutivut ikinnerulissasut.

2017-imi decemberimi korundit (rubiinit aamma safirit suliarisaanngitsut) immikkoortut siullit Nuummiit Thailandimut nassiunneqarput, tamaani Greenland Ruby A/S kiattumik suliarineqarnissaannut inniminniisimammat, pilersaarutillu naapertorlugit ukiup naannginnerani taanna naammassineqarsimasussaalluni. Avammut nassiussinissamut piareersarnerit novemberimi aallartipput kisianni avammut nassiussinermi ingerlaarfiit annikitsortaasa paasillaarnissaannut nutaraavallaarneq pequtugalugu aatsaat decemberip aallartilaarnerani korundi nunatsinniit nassiunneqarsinnaangorsimavoq. Tamatuma kingorna nassiussat Kastrupimi mittarfimmi uninngatinneqarallarput, Thailandimiit tunngavilersuutit amerlanerusut utaqqineqarlutik, aatsaallu 18. december nassiussat ingerlateqqinneqarlutik. Ajorluartumik pissutsit tamakku pissutigalugit kiattumik suliarineqarnissaannut piffissamik inniminnigaq angumerineqarsinnaasimangilaq, tamatumalu kingorna periarfissaq siulleq januarip naalerneraniilluni, taamaalilluni katillugit qaammatit marluk missaannik kinguaattoorneqarluni. Tamatumalu nassatarisaanik piffissap kissaatigineqartup iluani ilimagisatut tunisinissaq pisinnaasimangilaq, pisisartussattalu ilai akunnattuugaffigilaalersimallugu ullut pilersuiffissatut neriorsuutigisagut ilumut eqqortissinnaanerigut.

Ukiup naanerani korundtimik saliisarfipput mittarfiup aqutaaniittoq aamma immikkoortiterupput nalinginnaasumik pissusissamissut ingerlapput, taamalu aamma tassani qitiutillugit pingaartitagut tassaalerlutik nioqutissiorneq, ingerlatsineq aamma ingerlatsinerup pitsaanerulersinnissaa angusassamik toraagaqartilissallugit. Siuliani taaneqartut saniatigut Greenland Ruby A/S-ip misissuinissamut akuersissuteqarfigisat ilaanni ataatsimi avatangiisinik nakkutiginninneq ilanngullugu naammassivaa kiisalu aamma misissuinissamut akuersissuteqarfiusumi tassani tigusilluni misissugassat annikitsut 6 tigusimallugit. Taamaaliortoqarpoq atuisinnaanermut akuersissummi misissuinissamut akuersissuteqarfiusuni taakkuani korundteqarfiit ilanngutitinnissai siunertaralugu.

Siunissamut qanittumut pilersaarutit

Siunissamut qanittumut pilersaarutit eqqarsaatigalugit ilimagineqarpoq suleriaatsit assigiinngitsut pitsaanerulersinnissaat nangillugu ingerlatiinnarneqassasoq. Tamatuma saniatigut naatsorsuutigaarput 2018-ip ingerlanerani nutaamik aqquerniornissaq pilersaarusiussagipput nassaarfik avannamut kimmum nerngaallakkiartorlugu ingerlasussaq imaannaasoq tikillugu, taamaalippat paaaffik ukioq kaajallallugu sikusanngitsumik talittarfeqalersinnaalluni/nunniffeqalersinnaalluni. Ungasinnerusoq eqqarsaatigalugu paaaffik avinngarusimavallaarunnaassaaq aamma pilersorneqarnera pisariinnerulerlunilu akikinnerulissasoq. Aammalu aqquerniassaq nutaaq misissuinissamut akuersissuteqarfigisatsinnut (nr. 2008/46) pinissatsinnut iluaqutaasinnaassaaq, taamaalissappallu misissuinissamut akuersissuteqarfiusumi nassaarineqartut ukiuni tulluittuni 3-4-ni atuinermut aamma nioqqusiornermut ilanngunneqarsinnaanerisa qularnaarnissaannut iluaqutaassalluni. Saniatigut inuiaqatigiinnut iluaqutaasinnaanera tassaavoq aqqusineq nutaaq taanna "annikitsumik aatsitassarsiornermut piginnaatinneqartut" akuersissuteqarfigisaminnut pisariinnerusumik pisinnaalissammata kiisalu aamma piniartut piniariartarfiit pisariinnerusumik tikissinnaalissagamikkik.



GREENLAND RUBY

Sulisoqarnerput eqqarsaatigalugu naatsorsuutigaarput piukkunnarsaaniarluta aamma ingerlaqqittumik ilinniarnert ingerlanniarlugit, ilaatigut oqartussat assigiinngitsut piumasaaqataat eqqortinniarnugit ilaatigullu sulisuvut piginnaangorsarniarnugit. 2018-ip affaata siulliani aammattaaq ilinniartuuteqarnissamut akuersissuteqalernissarput sulissutigissavarput iggavimmi (Caterinngorniartumut) aamma værkstedimi/ingerlatsiviusumi (entreprenør mekanikerinngorniamut, skibsmontørinngorniamut imaluunniit klejnsmedinngorniamut). Ilimasuutigisarput tassaavoq ukiup affaata siulliup naannginnerani paaaffimmi pingasunik ilinniartuuteqassasugut, 2019-imullu anguniagaq tassaalluni ilinniartut 4-nngortinneqarnissaat. Taamaaliorniarnugit pissutigalugu Greenland Ruby A/S-imi sulisorisavut sumiiffimmeersut ilinniartinneqarnissaannut peqataanissarput pingaartikkatsigu. Taamaattorli isumaqarpugut ilinniartuuteqalinnginnitsinni tunngaviusussat pissutsillu aqqereerlutillu ajunngittariaqassasut, avatangiiseqarniassammat ilinniarnissaannut ilumut periarfissiisunik. Taamaalilluta imaaliinnarluta ilinniartuuteqarusunngilagut oqartussat piumasaaqataat eqqortinniaannarlugu, avatangiisit ilinniartup ilinniarnissinnaasai aamma ilitsersuisuusinnaasut akornanniissinnaanngippat. Maanna paaaffimmi ilinniartuuteqarpugut assut nuannarisatsinnik. Taanna 2019-imi julimi ilinniarnerninik naammassissaaq, kingornalu naatsorsuutigaarput minnerpaamik ilinniartoq nutaaq ataaseq tigussallugu.

Maangamut annerusumik tunisaqarsimanngilagut. Taamaattumik siunissamut qanittumut pingaarnersiunermi sunik tamanik salliutinneqartussa q tassaavoq tunisassanik pilersitsinissaaq aamma tunisassanik isumaqatigiissusiornissaaq, naatsorsuutigaarpullu tamakku 2018-imi ukiup affaata siulliup ingerlanerani aqqinneqarsimassasut. Tassunga tunngatillugu ujaqqanik katersat arlaqartut pisisartunngorsinnaasunut misissugassanngorlugit ilineqarsimapput kingusinnerusukkat tunisaqarsinnaanissaaq siunertarlugu. Aammattaaq 2018-ip ingerlanerani naatsorsuutigaarput maani sumiiffimmiunut korundtimik tunisaqarlernissatsinnut pilersaarusiussalluta, tassa suliarineqanngitsunik, kiattumik suliarineqaannarsimasunik piserusuttunik qassiinik apeqquutilliisoqareersimammat.

4. Sulisoqarneq

2017-ip naanerani Greenland Ruby A/S-imi aamma LNS Greenland A/S-imi toqqaannartumik sulisorineqartut katillugit inuit 37-upput. Sulisut sumiiffimmiut annertussusaat 100%-iuvoq. Immikkoortumi uani toqqaannartumik sulisorineqartut 37 pillugit suaassusaat, utoqqaassusaat aamma kommune angerlarsimaffiusoq tunngavigalugit qanoq agguataarsimanerat skemanut ikkussorlugit takutinneqarput.

Kommune angerlarsimaffik najoqqutaralugu sulisut agguataarsimanerat (2017-ip naanerani)

Angerlars.	LNSG	GR	Katill.	%	LNSG	GR	Katill.
Kujalleq	2	0	2	6,7	0,0	5,4	
Sermersooq	25	7	32	83,3	100	86,5	
Qeqqata	1	0	1	3,3	0,0	2,7	
Qaasuitsup	2	0	2	6,7	0,0	5,4	
Nuna alla	0	0	0	0,0	0,0	0,0	
Katill.	30	7	37	100	100	100	

Inuit 25 Kommuneqarfik Sermersuumi najugallit akornanni inuit 4 Qeqertarsuatsiaani najugaqarput, tassa inuit toqqaannartumik sulisorineqartut tamarmiusut 37 akornanni 11% missaat.



GREENLAND RUBY

Suiaassutsikkut agguataarsimanerat

Suiaas.	LNSG	GR	Katill.
Angutit	23	7	30
Arnat	7	0	7
Katill.	30	7	37

%	LNSG	GR	Katill.
Angutit	76,7	100	81,1
Arnat	23,3	0	18,9
Katill.	100	100	100

Utoqqaassusaasa agguataarsimanerat

Utoqq.	LNSG	GR	Katill.
16-24	6	1	7
25-34	7	1	8
35-44	5	3	8
45+	12	2	14
Katill.	30	7	37

%	LNSG	GR	Katill.
16-24	20,0	14,3	18,9
25-34	23,3	14,3	21,6
35-44	16,7	42,8	21,6
45+	40,0	28,6	37,8
Katill.	100	100	100

Tabelini qulaaniittuni takuneqarsinnaavoq toqqaannartumik sulisorineqartut 1/5-iisa missaat arnaasut aamma sulisorineqartut inuusukannersuusut.

5. Atorfiit sueneri

2017-ip naalernerani atorfiit sueneri najoqqutarigaanni tamangajammik inuttalerneqarsimapput. Ikittunnguit suli inuttalerneqanngitsut 2018-ip ingerlanerani inuttalerniarsarineqassapput.

Atorfiit sueneri

Atorfik	Piffissaq suliffiususaaq	Atorfiit ivertinn.	Qassit
Piiaaffimmi			
Site Manager	Qaammatit 12	Inuttalerneqarpoq	1
Ulluunerani piiaaffimmi pisortaq	Qaammatit 12	Inuttalerneqarpoq	1
Ujarassiooq	Qaammatit 12	Suli naamik	0
Ingerlatsivimmi pisortaq	Qaammatit 12	Inuttalerneqarpoq	1
Ingerlatsivimmi sulisut	Qaammatit 12	Inuttalerneqarpoq	4
Maskinanik ingerlatsisoq	Qaammatit 12	Inuttalerneqarpoq	8
Qillerisoq	Qaammatit 12	Inuttalerneqarpoq	2
Qartiterinermi pisortaq	Qaammatit 12	Inuttalerneqarpoq	2
Mekanikeri	Qaammatit 12	Inuttalerneqarpoq	2
Entreprenørmekaniker ilinniartooq	Qaammatit 12	Suli naamik	0
Elektrikeri	Qaammatit 12	Inuttalerneqarpoq	1
Piiaaffimmi svendi (ilinniartooq)	Qaammatit 12	Inuttalerneqarpoq	1
Immikkoortiterisoq piiaaffimmi	Qaammatit 12	Inuttalerneqarpoq	4
Igasooq	Qaammatit 12	Inuttalerneqarpoq	1



GREENLAND RUBY

Igaffimmi aamma eqqiaanermi assistenti	Qaammatit 12	Inuttalerneqarpoq	2
Cater- aamma kantinami assistent ilinniartuq	Qaammatit 12	Suli naamik	0
Vicevært	Qaammatit 12	Inuttalerneqarpoq	1
Nuummi Sullivik			
Sulisut allaffimmiut	Qaammatit 12	Inuttalerneqarpoq	2
Sulisut HF-ilerisut	Qaammatit 12	Inuttalerneqarpoq	2
Immikkoortiterisoq Nuuk (Ilinniartut)?	Qaammatit 12	Inuttalerneqarpoq	2
	Qaammatit 12	Suli naamik	0

6. Ilinniartitsinerit

2017-imi ukiup affaata kingulliup ingerlanerani Greenland Ruby A/S marloriarluni immikkoortiterisussanik ilinniartitsisimavoq. Maangamut katillugit inuit 4 immikkoortiterisutut ilinniartinneqarsimapput.

Ilinniartunut inissat

2017-imi pīaaffimmi ilinniartuq ataasiusimavoq (pīaaffimmi svendi). Ilisimavarput IBA naapertorlugu naammanngitsoq, taamaattumik 2018-ip ingerlanerani naatsorsuutigaarput ilinniarfissat 2-3 neqeroorutigisinnaassallugit. IBA-mi siunertaasumut naleqqiullugu, tassa ilinniartunut inissat 6 tungaannut amerlassuseqassasut, eqqortikkuminaatsipparput. Paasinninnerput naapertorlugu ilinniartunut inissat qassiunissaannut siunertaasup aallaavia tassaavoq suliniummi toqqaannartumik sulisorineqartussat 80-iunissaat naatsorsuutigineqarsimammat. Maannakkorpiaq 37-uvugut amerleqqingaarnissarpullu naatsorsuutigingilarput, taamaattumillu qanoq amerlatigisunik ilinniartunut inissaqarnissaq tassunga naleqqussartariaqassagunartoq.

7. Aningaasaliissutit

IBA-mi aalajangersagaq 10.3 naapertorlugu ukiumut DKK 1.000.000-nik immikkoortitsinissamut pisussaaffeqarpugut ilinniartitsinermik siunertanut atugassanik, taakkunannga affai suliffeqarfimmi namminermi sulisorisat ilinniartinnissaanut atorneqarsinnaallutik. Qulaani immikkoortiterisunik ilinniartitsineq eqqaaneqartup saniatigut 2017-imi aningaasaqarnerput pissutigalugu immikkoortitsinissamut periarfissaqarsimanngilagut. Aammattaaq IBA-mi aalajangersagaq 12.3 naapertorlugu DKK 250.000-nik immikkoortitsinissamut pisussaaffeqarpugut inooqatigiinnermik kulturimillu siunertalinnut atugassanut, tamannalu aamma 2017-imi aningaasaqarnerput pissutigalugu periarfissaqarfigisimanagu.

8. Pilersuisut sumiiffimmiut

Greenland Ruby A/S aamma LNS Greenland A/S tamarmik annerusumik sumiiffimmi niuerniartarput. Nalinginnaasumik suliffeqarfiit pilersuinerillu sumiiffimmeersut atorniartarpagut isiginnittaaseq una najoqqutaralugu, sumiiffimmi pisiarineqarsinnaappaat taava sumiiffimmi pisiarineqassaaq. 2017-imi aningaasartuutivut tamarmiusut akornanni, tassaasut millionit marlunnik kisitsisitallit annikigisassaangitsut, 62% missiliorlugit suliffeqarfimmi sumiiffinniittuni atorneqarsimapput.



GREENLAND RUBY

Sumiiffimmi nunanilu allani suliffeqarfinnut aningaasartuutit procentinngorlugit agguataarsimanerat

Nr.	Sumiiffimmi suliffeqarfiit	%
1	Air Greenland	11,4
2	HP Entreprenørmaskiner	10,1
3	Nuuk Oil	5,1
4	Greenland Facility Services	4,8
5	Inu:it	4,6
6	KK Engros	4,2
7	Dykkerfirmaet Masik	3,6
8	Polar EI	3,3
9	VR Travel	2,6
10	Greenland Boat Charter	2,3
11	Tele Post	2,2
12	Stark Grønland	1,9
13	Sumiiffimmi suliffeqarfiit allat	5,5
Katillugit	Suliffeqarfiit allat	61,6

Nr.	Nunani allani suliffeqarfiit	%
1	Tryg Forsikring	4,9
2	Rana Gruber	4,8
3	Orica Danmark	3,8
4	Blue Water Shipping	1,5
5	Desmi Danmark	1,2
6	Automatic Syd	1,1
7	Nunani allani suliffeqarfiit allat	21,1
Katillugit	Nunani allani suliffeqarfiit	38,4

Tabellit qulaaniittut suliffeqarfinnut 12-nut maaniittunut, aningaasanik atuinerpaaffigisatsinnut, aamma suliffeqarfinnut 6-nut nunani allaniittunut, aningaasanik atuinerpaaffigisatsinnut, aningaasartuutitta procentinngorlugit agguataarsimanerat takutippaat.

Tabelimi matuma ataaniittumi isumaqatigiissutit annertuut arlaliusut tamarmik suliniummut attuumassuteqartut takutinneqarput, tamarmillu suliffeqarfinnit maaniittunit imaluunniit suliffeqarfiit maaniittut peqatigalugit isumagineqartut.

Isumaqatigiissutit annertuut suliniummut attuumassuteqartut.

Nr.	Isumaqatigiissutigisaq	Kalaallit suliffeqarfituai isumaqatigiissuteqarfigisat	Isumaqati./ Akinik isum.
1	Sanaartorneq	LNSG	X
2	Civilingeniøritut ilisimat.	LNSG	X
3	Piiaaffimmik ingerlatsi.	LNSG	X
4	Isumannaallisaaneq	Greenland Facility Services	X
5	Angallatinik attartorneq	Greenland Boat Charter	X
6	Avatangiisinik nakkuti.	INUplan	X
7	Ikummatissaq	Nuuk Oil	X
8	Immakkut assartuineq	Blue Water Shipping	X
9	Ujaqqanik pinnersaasiasanik assartuineq	Blue Water Shipping + Greenland Facility Services	X
10	Silaannakkut assartuineq	Air Greenland	X
11	Nalunaarasuart. Atass.	Tele Greenland	X



GREENLAND RUBY

9. 2017-imi pisortatigoortumik isertitat

2017-imi pinnerfaatit ataqatigiissuliat "La Eva" Greenland Rubymi siulersuisuni ilaasortat ilaannut tunineqarput assut annertuumik nalilersuisereernerup kingorna. Aammattaaq GIA-mut misiligutit assigiinngitsut avammut nioqqutigineqarput, kalaallit rubiniinik annertunerusumik ilisimatuunik misissuineranut atorpeqartussanik. Tamakku kingunerisaannik annertunngitsumik royalty-mik akiliuteqassaaq, akiliut taanna tunisanit kaaviiartitanik toqqammaveqarmat.

2017-imi sulisorisatsinnit aningaasarsianit akileraarutit makku piliarisimavagut.

Aningaasarsianit akileraarutit 2017-ip naanerani

Jan 2017 - dec 2017	GR (Tusinder DKK)	LNSG (Tusinder DKK)	Katillugit (Tusinder DKK)
Aningaasar. Akileraar.	1.215	5.417	6.632
AMA ⁴	30	171	201
Total	1.245	5.588	6.833

⁴ Sulisoqarnermut akitsuut

Pilersuisunik maaniittunik annerusumik atuinita kingunerisaanik aningaasarsianit akileraarutit aamma inuiaqatigiinnut kalaallinut nalit annertuseriarsimanerat tabelimi takuneqarsinnaanngillat, tak. immikkoortoq 8.



10. IBA-miittunik allannguinerit naleqqussaanerillu aamma taamaattunut ilanngussat

IBA-p isumaqatigiissuteqarfiginerata nalaani ilimagineqarsimasunut naleqqiullugu suliniutip ilaatigut allanngorsimanera pissutigalugu Greenland Ruby A/S-ip pissusissamisoortut isigissagaluarpaa 2018-ip ingerlanerani IBA tassunga ilanngussat ilanngullugit sukumiisumik misissoqqinneqartuuppata naleqqussarneqarlutillu. Greenland Ruby A/S-ip isumaa naapertorlugu IBA tassungalu ilanngussat ilanngullugit allanngortittariaqartut pissutsinullu piviusunut suliniummi atugarineqartunut naleqqussarneqartariaqartut, maanna killiffia najoqqutaralugu, tassa maanna nutaamik piginnaatitsissummik piginnittoqarluni suliniut ingerlatsinerup nalaaniilermat. Imaaliiallaannaq takusinnaasoraarput IBA-p ilaa piginnaatitsissummik piginnittuusimagaluartup suliniut pillugu isumassarsiaanik ilimagisaanillu aallaaveqartoq, tamakkulu pisut ilaatigut piviusorsiorpallaarsimanatik, taamaattumik IBA-p tassungalu ilanngussat ilanngullugit misissoqqinneqarnissaat naleqqussarneqarnissaallu pissusissamisoortutut pisariaqartutullu isikkoqarlutik.

Taamaammat Greenland Ruby A/S-ip neriutugalugulu naatsorsuutigaa IBA-mi peqataasut IBA-p tassungalu ilanngussat ilanngullugit misissoqqinneqarnissaat naleqqussarneqarnissaallu ataatsimoorlutik isumaqatigiissuteqarfigisinnaassagaat, isumaqatigiissut suliniutitsinni atukkanut piviusunut tulluarneruleqqullugu aammalu piginnaatitsissummik piginnittutut piginnaasatsinnut qanorlu iliorsinnaanitsinnut anguniakkat naatsorsuutigisallu piviusorsiornerusut nalunaarsorlugit. Taamaalissappallu isumaqatigiissummiittut immikkoortut ilai (tamakkununga ilanngussat ilanngullugit), imaaliiallaannaq isumarput naapertorlugu, allanngortittariaqarsoraagut aamma/imaluunniit naleqqussarneqartariaqarsoraagut, taakkununga ilaallutik;

- Immikkoortoq 10
- Immikkoortoq 11
- Immikkoortoq 12
- Immikkoortoq 13
- Ilangussaq 1
- Ilangussaq 2
- Ilangussaq 3
- Ilangussaq 4
- Ilangussaq 5
- Ilangussaq 9

Greenland Ruby A/S-ip erseqqissarumavaa IBA-p tassungalu ilanngussat ilanngullugit misissoqqinneqarnissaannik naleqqussarneqarnissaannillu kissaateqarnitsigut imaanngilluinnarmat pisussaaffeqarnerput akueriumanngikkipput, soorunami ilinniartitsinissamut, sulisoqarnissamut, inuiaqatigiinnut tunngasunik, aningaasaqarnermut tunngasunik il.il. pisussaaffeqarpugut. Isumaqaannarpugut IBA-mi peqataasunut tamanut iluanaarutaanerpaassasoq pisussaaffiit taamaattut sapinngisaq tamaat naapertorlugu suliniutip annertussusaanut angissusaanullu aammalu tunniussaarsinnaassusitsinnut tulluarsarneqarpata, taamaalinikkut uatsinnut piumasaqaataasut naatsorsuutigisaasullu taavalu uagut tamakkuninnga eqqortitsisinnaanitta akornanni sunniuteqarneq suleqatigiinnerlu anginerusok anguneqarsinnaassammat.